

艤舟詞選

一九九八年六月

舣舟词选

常州舣舟诗社编

封面设计：潘一新

巢静安

编委：钱璆之（主编）

章之驹（副主编）

叶鹏飞

谢忱

吕锦尚

桑风岐

舫舟词选（一九九八年六月）

编辑单位：常州舫舟诗社

印刷单位：建农彩印厂

准印证号：苏常出准字（九八）第八十八号

舣舟词选

(舣舟诗社编)

目 录

丁欣	七首	(一)
王鉴风	十二首	(五)
王瑞麟	六首	(一一)
邓丽云	八首	(一五)
叶鹏飞	八首	(一九)
冯群	十二首	(二五)
吕锦尚	十二首	(三一)
朱小剛	六首	(三七)

羊汉	十五首	(四一)
羊淇	十三首	(四九)
羊牧之	六首	(五五)
李茂章	十二首	(五七)
何绍南	十三首	(六五)
还村	六首	(七一)
应光猷	十三首	(七五)
吴逸鸥	十二首	(八三)
陆汝挺	十首	(八九)

杨国钧	五首		(九三)
陈颂华	五首		(九七)
张仁迪	八首		(一〇一)
赵素吾	十一首		(一〇五)
周凤樵	六首		(一一一)
周庆华	六首		(一一五)
项青	九首		(一二九)
闻楚善	七首		(一二五)
姚广圻	十二首		(一二九)
徐剑虹	五首		(一三五)
钱小山	十五首		(一三九)

钱璩之	十五首		(一四七)
桑凤岐	十二首		(一五五)
章之驹	十五首		(一六一)
曾铸	十五首		(一六九)
谢忱	十首		(一七五)
谢一飞	五首		(一八一)
谢孝宠	十首		(一八五)
潘一新	十二首		(一九一)
编后寄语	钱璩之		(一九七)
封面设计	潘一新、巢静安		

丁欣（一九五六——）

江苏溧阳市人，江苏省诗词协会理事，常州市作家协会会员，溧阳市文学协会理事。著有《丁欣诗选》。

一剪梅·风

尘世炎凉往复中，去了春风，来了秋风。果然风起有雌雄？一阵温容，一阵寒容。蓦地狂飚来势凶，吹过山峰，卷过云峰。风中一叶古今同，捧向高空，落向低空。

照君怨·渡江向京口

一笑横江南去，似箭风帆正举。凝目看渔蓑，没烟波。无际江天空阔，船我平生尘浊。意惬拍船栏，近焦山。

行香子·寒山寺

流水江城，烟柳苍藤。想当年、夜半钟声。乌啼月落，渔火江枫。有桥边寺，船头月，塔中灯。依稀故物，萧索空庭。叹寒山、空剩诗名。古今一梦，换尽

西风。但江声急、钟声乱、雨声轻。（新韵）

虞美人·歙县练江晚涉

青山一道波中起，半脚清清水。殷勤垂柳解人衷，施尽风流约住夕阳红。
同游三五还同济，脱履如遗世。凌波容易做仙家，争向中流自在弄飞霞。

贺新郎·收金陵袁裕陵札，戏填此阙以复

且问先生好。记初逢、正当云淡，正当秋早。上水关前征帆落，但为春华相造。
瞰太白、危楼孤岛。一脉风骚空自许，竟痴狂、不顾他人笑。杯酒促，太草草。
今来忽有双鱼到。看行行、一言踪迹，一颁诗稿。大块烟波凭君享，天假
滨湖名号。对学海、全当略掉。欲读五车书不敢，但心胸要罄平生调。再顿首，
此相告。

贺新郎·赠别顾君罗庚

云压吴天阔。正茫茫、乾坤回转，雪花时节。襟带乡间泥和水，来铸嶙峋怪铁。但凭得、清寒身骨。二十余番花信好，奈匆匆顿作长风别。击水起，看云裂。

飞飞难效苍鹏翼。对扶摇、北溟何处，惹人心折。三尺案头灯如水，收得无边日月。恒兀兀、几多心血？今日才如君者少，问谁能对酒谈豪杰？长相揖，赠此阕。

望远行·午年咏马，步钱璦之先生原韵

天风破曙，清笳涌、欲起廊间槽下。玉蹄腾踏，铁血盘回，望断古吴分野。辔络周身，天地一隈如堵，云外壮心谁话？更还兼、无数心山未卸。挥洒，飞

送几巡日月，笑齿骨、老来难画。吐气遏云，放声发瓦，骐驎幸存真价。何日羁牵齐脱，平川由我，扫尽尘寰风雅。看激光飞电，苍穹横跨。

王鉴风（一九三一——）

字孤鸿，号夹山、红碧，江苏武进市人。中华诗词学会、江苏省诗词协会、江南诗词学会会员。本社理事、南风词社副社长兼秘书长。有《孤鸿斋诗稿》、《夹山书屋词抄》

洞仙歌·东坡诞生九百六十年

藤花旧宅，是坡翁仙寐，骑鹤西飞驻程地。忆南檐、瘴雾蛮雨婪岚，迷霾沁、渐入膏肓难起。河干垂柳晚，一抹残霞，两侧争看片帆系。裼服露襟怀，岸帻芒鞋，人萧索、倦航万里。又几日西风未曾吹，令困顿凉床，黯然星坠。

水调歌头·读茗柯词有作（五首选一）

风雨连宵下，身似一浮鸥。江南江北漂泊，赢得鬓双秋。忽听风吹杨柳，问是梅花三弄，响彻月斜钩。我欲起翩舞。望子放歌喉。棹中珠，匣内剑，架旁矛。年年异彩光夺，何夕破囊兜？待晚黄梁一梦，壮岁旌旗万伍，此愿已难酬。还去拥残帙，缥缈上高楼。

踏莎行·书玉岑词人《孤鸾词》后

梦月青衫，纳兰侧帽。凄凉几叠伤心稿。孤鸾犹见谢郎情，幽人早隔蓬山杳。

溪上芙蓉，池塘春草。长堤疏柳相思绕。平生涕泪付词笺，离魂也逐东风裊。

满江红·秦陵兵马俑

展拜皇陵，依然是、旧时明月。苍翠外、赵燕韩楚，六王皆灭。犹怒田横挥戟士，更惊博浪飞椎发。又陈吴、大泽揭竿兵，风云突。

重瞳项，声势咄；刘季子，凭三杰。恨阿房一炬，咸阳宫阙。神鼎未容专社稷，赤旗已换飘城堞。兵马俑、十万金根车，埋荒穴。

水龙吟·合肥

楚天滚滚烟云，凝寒却怨西风起。皖江客舍，旧愁未了，新愁又系。瑟瑟霜晨，潇潇雨暮，总关情事。问杜郎吟句，春深铜雀，缘何指、乔公意？

凄恻垂杨巷陌，送行人、赤阑桥底。桃根桃叶，玉人何处？鱼书难寄。闻道词仙，小红近得，石湖归未？剩金河紫燕，长空低下，宿芦花里。

荊州亭·淮河

淮上人家如画。小小茅庐渔舍。两岸尽垂杨，舴艋叶舟独驾。一宿东风嘶野。数点疏星暗夜。冉冉月华生，恰被浓云吞下。

兰陵王·春燕

听啼鸠。林樾啼声未歇。斜阳里，双小侣禽，栩舞园中逐蜂蝶。年年者季节。云曰：归来海粤。乌衣巷、无恙旧巢，王谢依然掩朱闼。又绿树高翔，澄镜低贴。几番花信东皇括。惊堕溷杨絮，坠阶桃雨，天涯喜恨雁杳绝。剩鹃苦莺悦。空说。别抽咽！觑雾润丰毛，风剪轻拂。疏帘上卷绳悬结。让俊羽翩起，紫鬟飘忽。关山怜汝，望小驻、莫再越。

点绛唇·荷

圆碧田田，小溪又见芙蕖吐。渐高朝煦。点点莹珠露。初起风微，袂舞霓

裳羽。迷人处：鸭儿频语。叶底惊鸥鹭。

水调歌头·菊

谁剪碎金缕？铺作满园秋。且看三径丛里，蛱蝶舞悠悠。欲倩西风吹拂，只怕芙蓉枝下，花落易含愁。寄语树梢月，莫照小窗幽。态窈窕，情缱绻，韵纤柔。晚蛩低泣，更恐寒露早霜稠。赖有陶公欢洽，却向东篱举袂，盈袖暗香留。浑似沈腰瘦，簪上鬓边羞。

鬲溪梅令·春雨

昨宵骤雨惜梅华。去天涯。只恐明朝今晚又风斜。再伤桃李花。柳垂陌上已抽芽。似笼纱。莫问堂前归燕尾双叉。正寻王谢家。

昭君怨·惊蛰山家野趣

粉蕊初含雪尽。莫让东皇吹陨。料峭弄春寒，绿窗前。且把软帘卷起。凝

睇杏花开未？竹外见斜枝，是红梅。

踏莎行·丙子岁初寄女友

醺醺流霞，茗茶吐碧。似眉黛月幽幽色。小窗又响北风寒，卷帘却道花香溢。
韵奏铜箫，沁吹铁笛。纤词按谱轻轻拍。销魂最怕倚阑干，伊人正在西山侧。

王瑞麟（一九二八——）

常州人，笔名春草，曾任小学校长、教师近四十年，有《春草诗词稿》。

沁园春·菊展

一叶惊秋，百卉萧疏，万菊傲霜。遍道枝劲干，葳蕤滴翠；寒英冷蕊，馥郁凝香。燕瘦环肥，尹娇邢艳，斗姹争嫣炫紫黄。迤逦处，满工商广告，溢彩流光。

花时人事沧桑，旧清赏今须再度量。似西风顾影，易安憔悴；东篱采撷，元亮徬徨。避世遁形，孤芳自惜，独善其身计欠长。应如此：合市场经济，携手康庄。

虞美人·应朱玉林为「大一品」索句作（新韵）

小斋深院阑干静，物外超然境。轻绡薄幕作春阴，手艺千丛兰蕙集佳宾。

香称王者真高品，一瓣凌波影。藓苔阶砌绝纤尘，时有微风不意度清芬。

风蝶令·题张慧行新作「丽人行」图轴

绰约凌波步，轻盈束素腰。丰颐秀骨入时娇，抿管调笙丝影玉骢骄。

艳说